


# အပိုင်း ကျေးဇူးတင်ကြား



- ကဲန်းဘဲ, - အပိုမ် ကျေားစံဝ်ဖြား ၄
- ကဲအီးကလ္လကျေား; - တော်င်းစိင်၊ မာည်းလူကျာ၊ ဆာင်အော်င်
- တည်းကျေား; - တအာင်းရူမာည်း
- ကဲအီးစဲတ်မဲန်း - ဆဲင်မည်၊ တော်င်းစိင်၊ မာည်းလူကျာ၊ ဆာင်အော်င်
- ဘော်က်စဲတ်မဲန်း - ဘော်က် အူ
- ဆည်းလည်လေး; - ပကျိုဝ်းဖိုန်၊ ဆာင်နမ့် ၂၀၁၈

Title : Bible Stories – 4  
 Translated by : Taung Sein, Mai Lu Jar, San Aung  
 Language : Ta'ang Rumai  
 Edited by : Seng Mai, Taung Sein, Mai Lu Jar, San Aung  
 Edition : 1<sup>st</sup> Edition  
 Date : April 2018

Translated from the English *Open Bible Stories*. Original work available at [unfoldingWord.org/stories](http://unfoldingWord.org/stories)



This work is licensed under the Creative Commons Attribution-NonCommercial-ShareAlike 4.0 International License. To view a copy of this license, visit <http://creativecommons.org/licenses/by-nc-sa/4.0/> or send a letter to Creative Commons, PO Box 1866, Mountain View, CA 94042, USA.

ယေးမ္မာန်ဒဲးဆူး အီးမိုးပံပံအီးတော,အရောင် အီးခိုဝ်းနဲ့လောင်တြားစံဝ်ဖြားနီး  
နှာင်းပေန်မာင်ကလာ စာဓါးစည်းအဲကဲ အီးဂေါ်ညး တဲင်းကံမ်ဖာတော်နီးဒီး  
ဟံ့။

# ခံပ်ကဇီ ကေံနဲးဘေံ,


၃၁။ စံဝ်ယေဆု ဟောင်းတေံင်းအေံမ်း	၁
၃၂။ စံဝ်ယေဆု ဆားနှမ်းဒဲး တူအီးကနမ်းဇေဝ်လေံပ် ကာည်း အီးပဲန်းဂျူဆဲဝ်း	၇
၃၃။ အပိုမ်ကျေားကကည်း ဘည်ဘာည်းပျံ,ကအောင်းဆမဲ	၁၇
၃၄။ အပိုမ်ကျေားကကည်း မျိုးဟည်း ပံင်ကလောင်းနဲ စံဝ်ယေဆု	၂၃
၃၅။ ကုန်အီးမဲး နှေးကဇီည်းဒါင်း	၂၉
၃၆။ ဘည်ဘာည်းခလာည်း အရာင်တိုးစံဝ်ယေဆု	၃၇
၃၇။ စံဝ်ယေဆု ရဲန်းဒဲး လာဆရု စီးယာ်ည်,အိမ်းဒဲး ဒယာ်မ်း	၄၃
၃၈။ စံဝ်ယေဆု ကညားအီးယာ်းလှဲဝ်ခိုန်ကတိ	၅၁
၃၉။ ဘည်ဘာည်း စံဝ်ယေဆု ကညားအီးစဲတ်မော့,	၆၁
၄၀။ စံဝ်ယေဆု ကညားတော်ကကတံက်ပယာ်မ်းခိုန် တံင်တေံင်းရံင်းတော်,တည်း	၆၉



# ၃၁။ စံဝ်ယေဆု ဟောင်းတဲင်းအဲမ်း



မတဲ ၁၄:၂၂-၃၃၊ မာကု ၆:၄၅-၅၂၊ ယောဟာန် ၆:၁၆-၂၁



ဓါည်းဒီး စံဝ်ယေဆုစီဆူည်,ဖ်း တူအီးဂိုန်းကဲကဲဒီး စီးစီးဟောင်း ပါ့ခလေပ်  
ဆိ ခလေပ်အန်း၊ အန်းစီစီးဆူည်,လတ်ဘိုး တပဲအန်းကဲ လေပ်ခဲင်းကလေ့,ဟိုဝ်း  
ခလေးဟောင်းညှာတိုင်းအဲမ်း။ ဘိုန်ဇဲန်း အီးမိုးအန်းစံဝ်အည်း စီဟိုက်မှာန်း  
ဆူး ပါ့တဲင်းနော ကဒည်းအန်းအူချေး တော်ဘျည်းကံပ်အ်။



ဇိုယာမ်းဇဲန်း တပဲအန်းကဲမာ် ဟည်ဟောင်းစ်မ်း ခညှာန်းဒိုင်းလတ်ရိမ်းပါင်း  
အဲမ်း။ ဘိုန်ဇဲန်း ခူးလောင်းဒါင်းမာ် ဟည်တယ်ပူ,ဒေး၊ ကဲစီကညားမားအဲမ်း  
ဒါင်း ဆကုန်ဒေးငါးဟပ်ကလေ့,ဟိုဝ်းကဲဟ်။



ယာမ်းဇဲန်း စံ်ယေဆုမာ် ဟည်ယာ်ည်,လေးဟောင်းဇူးပေါ,ပျို ကဲ။ အန်းစံ်  
စီဟောင်းတောင်းအဲမ်း လေးဒေးဇူး ပျို ကလဲ,ဟိုဝ်းကဲ။



ဘိုဝ်ယဲဝ်းတပဲအန်းကဲတ် အန်းစံ်ဟောင်းတောင်းအဲမ်းဘာည်းဇဲန်း၊  
ကဲမာ် ကဒိုန်းယံဝ်းပေါ,အခည်း ဂေါ,မိုးကဲဒိုင်မိုး ကဲယဲဝ်းကဘျော။  
ဘိုဝ်ဘာည်းတံ့ဇဲန်း အန်းစံ်စီဒါ်;တံ့ကဲ “ပဲခူယံဝ်း၊ မိုးလှိုည်အံဝ်းနား။”





ဓါည်းဒီး ပေတရုစီဒါးလ် တံ့စံင်ယေဆု “အိုဝ်စံင်ကညျား၊ ဆာ်မိုးမည်း  
 အခည်း၊ မည်းဒဲးဟံင်းအံင်း ဟောင်းတောင်းအဲမ်း ဟောင်းဇူးပျီ မည်းနား။”  
 အန်းစံင်စီဗီးဒါး “ယာ်ညံ,ဒဲးလော့။”



ဘိုန်ဇဲန်း ပေတရုမာ် ဟည်ယာ်ညံ, ဒကလှေ,ဟိုင်း စီဟောင်းလ်တောင်း  
 အဲမ်း ဟောင်းဇူး ပျီ စံင်ယေဆု။ အန်းစီတိုင်းဒါးအန်းစံင် ဟောင်းလို့ည်အီးချိုက်ဒဲး၊  
 စီဗီးတိုင်းယဲင်းဘိုး မားအဲမ်းဆကုန်ကာည်းခူးဒါင်း ရိမ်းကပါ,ကပါ န်ကဲကဲဒီး  
 ဟော့။




ဘိုဝ်တိုဝ်းယဲဝ်းအန်းတံ့ဘာည်းဇဲန်း၊ အန်းဟည်စိုမ်လဲပ်ဟောင်းပေါ၊  
 တိုင်ခဲင်းအဲမ်း ဂေါ၊မိုးအန်းဟည်မဲးနော့ယံဝ်း။ အန်းစီရိုင်းအောင်းပါဝ်ဒါး  
 “အိုဝ်စံင်ကညား၊ ကဇော်ညည်လာည်းလေးဟံင်းအံဝ်း။” စံင်ယေဆုစီဒါးတည်းအန်း  
 တိုတ်ကဇော်ညည်လာည်းဟိုက်လာ် ပေတရု။ ဓါည်းဒီး စံင်ယေဆု စီဒါး “အိုဝ်ခွေး  
 နော့ညွမ်ဘျာ်ညည်အိုဝ်ညည် ဆိမ်ဘာည်းမည်းဆံမ်မဲး နော့ဂါင်းဟား။”




ဘိုဝ်ဟိုက်စံမ်း ပေတရုကာည်းစံင်ယေဆုတံင် ခဲင်းကလဲ၊ဟိုဝ်းဒီး၊  
 အီးမိုးခူးဒါင်းဒီးမ် ဟည်ယေန်ဟောင်းပေါ၊အူတ်န်း။ ဘိုန်ဇဲန်း တပဲစံင်ကဲမ်  
 ဟည်အမ်းပေါ၊အခည်း။ ကဲပါပည်မဲးမ် ဟည်ဂျေပ်ဒို စံင်ယေဆု စီဒါး  
 “မည်းစံင်မိုးပေါ၊ ကော်န်းစံင်ဖြားခည်းခည်းဟံ့။”



၃၂။ စံဝ်ယေဆု ဆားနှာမ်းဒဲး  
တူအီးကနာမ်းဇေဝ်လေပ်  
ကာညး အီးပဲန်းဂျူဆဲဝ်း




မတဲ ၈:၂၈-၃၄၊ မာကု ၅:၁-၂၀၊ လုကာ ၈:၂၆-၃၉



မဲးလ်အူဆငည်း စံဝ်ယေဆုကာည်းတပဲအန်းကဲ စီခလေားဟောင်းစ်မ်းလ်  
ညှာဒပါင်းတိုင်းအဲမ်းဂါလိလဲ။




ဘိုဝ်ဟောင်းစ်မ်းကဲတတ် ပျိုပါင်းအဲမ်းညှာဒ စီမဲးလ် တူအီးချေးကန်မ်း  
ဇောင်းလဲပ်အူချေး၊ စီလေးဒေးဇူး ပျိုစံဝ်ယေဆု။




ချွေးဒီး၊ ဂေါ၊မိုးအန်းညွှာမ်းဒါင်း၊ ချွေးမွဲမာ် အာဝ်ဘယ်မအန်း။  
 အီးကံပ်ဒါး ဓည်းလဲက်းဘက်အူန်းစံမ့်အန်းမာ် အန်းနာ်,လို့ည် တိုတ်လာည်း  
 ကဘျိုဝ်းဗိုန်ဒို့ ဓည်းလဲက်းကဲဒီး။



အန်းကည်ရိုင်းအောင်းတော်န်းဆည်းတော်န်းဆဲမ်း ပျို ခနားကတဲင်းထံမ်  
 ဖေဝ်း ဒီဂေါည်းအန်း ပျိုဖေဝ်းဒီး။ တဆီးဆိမာ် အန်းအာဝ်ချွေပ်မ၊ စီလုယ်လာ်  
 ထူည်တဂ္ဂီးတိုးအန်း တံင်မာဝ်း ကံပ်ပေန်ဒို့ဒီတိမ်း တံင်တိုးအန်း။



ဘိုဝ်ဒဲးအံက်ဆကျူ,အန်းတတ် ပါလအာည်,စံဝ်ယေဆု၊ အန်းစံဝ်စီဒါး;  
 "ကနမ်းဇေဝ်နူး မည်းလည်လေးဒဲဝ်ဟောင်း ဒချေးဒီး။"



ချေးအီးကနမ်းဇေဝ်လဲပ်ဒီးမတ် ဟည်ရိုင်းအောင်းဒါး; “စံဝ်ယေဆု အီးမိုး  
 ကော်န်းစံဝ်ဖြားအီးဒါင်းဇားဒိုခူအီး၊ ဘာည်းမဲ့မည်းလည်ဆဲင် တံ့အံဝ်။ ခူရဲန်း  
 မိုက်နန်း တံ့အံဝ်။” ဘိုန်ဇေန်း စံဝ်ယေဆု စီမော့,အန်း ဒါး; “ဆီမည်းဇိုဝ်။”  
 အန်းစီစီးဒါး; “ဇိုဝ်အံဝ်မိုး လေဂေါင် ဂေါ,မိုးယေးဂိုန်းယောင်း။” (လေဂေါင်မိုး  
 တံပ်နန်းယောမ ကော်န်းနန်းအီးဂေါ်ညး ဘံင်တောဟောင်း။)




ကနမ်းဇေင်ကဲ စီမှန်းဒါ်; တံ့စံင်ယေဆု နှာင်းအန်းကံပ်ဘူချူလေးစိုန်ကဲ ဒအရာပ်ဒီး။ ယမ်းဇဲန်း စီမဲးလာ်လာ်ညံ့,အူပိုင် ဂီဂေါ်ညံ့တြာ်ညံ့,ဟိုမ်း ပါ်ရိမ်း တေင်းဂေါင်းကဲကဲဒီး။ ဂေါ,မိုးဘာညံ့ဇဲန်း ကနမ်းဇေင်ကဲစီမှန်းတံ့စံင်ယေဆု ဒါ်; “ပွေးဒဲးယေး လေပ်ဂေါ်ညံ့တော, ခေင်းလာ်ညံ့,ကဲကဲတော်ညံ့။” အန်းစံင်မာ် ပွေးကဲဟောင်း လေပ်ခေင်းလာ်ညံ့,ကဲကဲဒီး။



ဘိုန်ဇဲန်း ကနမ်းဇေင်ကဲကဲဒီးမာ် ဟည်လေးဖာ်း ဒချေးဒီး၊ စီဟောင်းလေပ် ခေင်းလာ်ညံ့,ကဲကဲဒီး။ ဓါညံ့ဒီး လာ်ညံ့,ကဲကဲဒီး စီတဘူလေး တံင်ပါင်းလအောင်း ပါင်လာ်ညံ့၊ ကဲဇဲန်ဇေးယာ်မးဒို ခေင်းတိုင်းအေမ်း။ ဖိုင်လာ်ညံ့,ကဲကဲဒီး နံင်ဂေါ်ညံ့ ပေါ,ဘံင်အယ်ဟောင်းလေးဟာ်။







ဘိုဝ်ယဲဝ်းတူအီးချိုင်းလတ်ည်,ကဲတ် ပံင်ဘာည်းကဲကဲဒီး၊ ကဲစီတဘုဒဲဝ်း  
 ဟောင်းလှယ်ကလောင်းဒို့ ခါင်ဆတောင်းပံင်ရဲန်းစံင်ယေဆုဒီး တံ့တူအီးကဲ။ ဘိုဝ်ဒဲး  
 စ်မ်းတူအီးခဲင်းလှိုင်းကဲတ်ပိုဒီး၊ ကဲဟည်ဒဲးယဲဝ်း ချွေးအီးကနမ်းဇော်လဲပ်  
 ခည်အာည်,နီး၊ အန်းဟည်ချွေပ် အူန်းဖ်းတဆီးအန်း အံက်ဂေါ်ည်းဘာည်းတူအီးချို၊  
 ကဲစီအမ်းငါ်,ဒို့ပေါ,ခည်း။




တူအီးကဲတ် ဟည်ယံဝ်းပေါ,အခည်း၊ ကဲစီမှာန်းဒါ်;တံ့စံင်ယေဆု နှာင်း  
 အန်းလည်လေး;ဟောင်း ဒဲခဲင်းပိုအရာပ်ကဲ။ ဘိုန်ဇဲန်း စံင်ယေဆုစီဟိုက်  
 တောင်းကလဲ,ဟိုဝ်း စီစံင်ချင်ဒါ်;နံင်လည်လေး;ဟောင်းဒဲဒီး။ ဇိုယမ်းဇဲန်း ချွေး  
 အီးကနမ်းဇော်လဲပ်အာည်,နီးဒီးတ် ဟည်မှာန်းတော,လတ် လဘာ်န်းအန်းစံင်။



ဘည်ဘာည်းမာ် စံဝ်ယေဆုစီဒါ်;တၢ်အနံး “မည်းဗီးဟောင်းလို့ည် ပါ့ခလဲပ်  
မည်း၊ စီကလောင်း တၢ်တူအီးအိုင်ဟိုမ်းမည်း ကာည်း ဘံဝ်ဖိုင်းဘံဝ်ဘိုက်မည်းကဲ  
ဘာည်းမဲ့စံင်ကညး ရဲန်းဒဲးတၢ်မည်း၊ ထန်မဲ့ အနံးမဲးနေားကဗိုည်း တၢ်  
မည်း။”



ဂေါ,မိုးဘာည်းဇဲန်း ချေးဒီးမာ် ဟည်လည်လေးဗီးဟောင်းပေါ, စီလှယ်လာ်  
ကလောင်းနဲ့ တၢ်တူအီးကဲ ဘာည်းမဲ့ စံဝ်ယေဆုရဲန်းဒဲး တၢ်အနံး။ ဘိုဝ်ယဲဝ်း  
တညာ်းတူအီးကဲတၢ် လောင်ဘည်ဘာည်းအနံး၊ ကဲမာ် အာမ်းဒိုပေါ,ခည်းဟံ့။




စံဝ်ယေဆုစီဗီးဟောင်းဘိုး ပါ့ညျာဒပါင်းတိုင်းအဲမ်းဂါလိလဲ။ ဓါည်းဒီး တူအီးကဲမ် ဟည်ဒေးဇူးခမ္မိဒို့ ပါ့အန်း၊ ကံပ်လည်ကအိင်းကစီင်းဒို့ တံ့အန်း။ အီးမိုးပါ့ဒီး စီမဲးလ်အီးပဲန်းအူချေး အီးပေန်ဒေးယောကာနှမ်းဇော,လေး ဟည်ဘိုန်းလ် အူကိုင်းလေးအယ်ဆာင်နမ်းလုမ်းလုမ်း။ အန်းဆားနှမ်းဒေး တိုးအန်းနီး ကံပ်ဒို့ဒို့ဂျိုးဂျာမ်းအုက်စာ ပံင်မဲးအန်းပါ့မဲးမ် အာဝ်ဂဲန်းမ၊ ဆဲင်းအန်း န်,လှိုည်မှယ်ဒေးတီက်တီက်။



အန်းမ် ဟည်တဲမ်ယဲင်းတညောင်းအူန်း လော်င်ခါဝ်ဆတောင်း စံဝ်ယေဆု ဆားနှမ်းဒဲး တူအီးဆဲင်းဂဲန်းဒို့။ အန်းစီညျေမ်ခဲင်းနော့အန်း စီဒါ် "ဆ်အံင်း အ်ဘိုန်းစုလံက်လှိုည်တဆီးအန်းစံမ် ယောကာပံင်ဘာည်းအံင်းနီး နံင်ဂဲန်းဟောင်း ပေါ,။" ဂေါ,မိုးဘာည်းဇဲန်း အန်းစီဟောင်းလ်ခနားတူအီးဂိုန်းကဲ တော,ဟောင်း လဘ်န်းအန်းစံ် စီစုလ်တဆီး စံဝ်ယေဆု။ စံန်အန်းစုလံက်တဆီးစံဝ်ယေဆု ဘာည်းဇဲန်း အီးမိုးယောကာနှမ်းဇော,လေးအန်းမ် ဟည်ဟီ,ဟောင်းပေါ,အူတ်န်း၊ ယောကာအန်းမ် ဟည်ဂဲန်းဟောင်းပေါ,။



ဘိုန်ဇဲန်း စံဝဲယေဆုမာ် ဟည်နာ်,ပေါ,အူတ်န်း တာန်ခိုးအန်း ဟည်လည်  
 လေး ဒတိုးအန်း။ ဂေါ,မိုးဘာည်းဇဲန်း အန်းစံဝဲ စီကဗင်ဗီးတိုဝ်းညှာဘာ်န်း စီမော့,  
 ဒါ်; “ခွေးမဲ့ ဒေးစုလံက်အံဝ်း။” တပဲအန်းကဲ စီဗီးကလောင်းဒါ်; “မည်းစံဝဲမာ်  
 ကံပဂီယဲဝ်းအူန်း တူအီးဂိုန်းလည်ကအိင်းကစိင်း ကံပဘာည်းထဲန်ညေ့န်းမာ်  
 ဆိမ်ဘာည်း မည်းဆံမ်မော့,လာ် 'ခွေးမဲ့ ဒေးစုလံက်အံဝ်း'။”




ဗါည်းဒီး အီးပန်းဒီးမာ် ပါယံဝ်းပါကဘည်း ဟည်ဒေးအံက်တကေပ်ကေန်း  
 ဂျိုင်းအန်း ပါ်လအာည်,စံဝဲယေဆု, စီကလောင်းနဲ့ လော်င်ဘည်ဘာည်းမိုးအန်း  
 ပါ်ပည်မဲး။ ဘိုဝ်ဘာည်းတံ့ဇဲန်း စံဝဲယေဆုစီဒါ်;တံ့အန်း “ဂေါ,မိုးလိုင်  
 ဘည်ဘာည်းညေ့မ်မည်းဒီး၊ အန်းဟည်ဒေးယောကာဆဲဝ်းမည်းဂဲန်းဒိုဟာ်။  
 မည်းစီဗီးဟာဝ်း မည်းဒါ်ချို,ချို,နား။”



# ၃၃။ အပိုမ်ကျော့ကကည်း ဘည်ဘည်းပျော်, ကအောင်းဆမ်



မတဲ ၁၃:၁-၈၊ ၁၈-၂၃၊ မာကု ၄:၁-၈၊ ၁၃-၂၀၊ လုကာ ၈:၄-၁၅



မဲးလာ်အူဆငညး စံဝဲယေဆုစီဟောကလောင်းပနံဝဲဒဲး တံ့တူအီးဂိုန်းကဲ ပါ်ရိုမ်းတိုင်းအဲမ်း။ တူအီးကဲဒဲးတိုဝ်းဒဲးတညောင်းကဲမာ် နာ်,လှိုညာ်ဂိုန်းဒဲး တိုက်တိုက်၊ ဂေါ,မို; ဘာညးဇဲန်း အန်းစံဝဲ စီကတူးလဲပ်အံက်လာ်ဒါး တံင်ခဲင်းကလဲ,ဟိုဝ်း ဟောကလောင်းပနံဝဲဒဲး တံ့တူအီးကဲကဲဒီး။



အန်းစံဝဲဒါးအပိုမ် ကျော့ကကညးဟောကလောင်းန့တံ့ကဲ ဒါ် ; "မဲးလာ် ကညးနားဒီးအူချေး; စာနံင်တီ,ဆံမ်း အန်းစီပျာ်,ကအောင်းဆမဲအန်း။ ဂေါ,မို; အန်းပျာ်,ဒါးတညး ကအောင်းဆမဲကလံက်မာ် ဇော့ညားတိုင်အိုန်ဒါ်နး။ ဆိမ်းကဲအီးပိုင်ပါ်ပျို နး စီလေးကဲပစိုက်ဟိုမ်းဒို။"



"ကအောင်းဆဲကလံက်မာ် စေးတိုင်ကတာည်းခါည် ဒီဘျာ်ည်,ကတာည်း  
 အန်းဘည်လတ်ဒေးကတိုင်စံမ့်မာ်၊ ဂေါ,မိုးရိုဝ်းအန်းအာတ်တံက်ချို, စံန်ဆတာ,  
 ဆာင်ငည်းထောင်ညားမာ် အန်းဟည်ချွဲတ်ခေါးဟောင်းပေါ,ဟာ်။"



"ကအောင်းဆဲကလံက်စီဟောင်းစေး တိုင်ခနားယုမ်ပအေ၊ ဆာ်တင်းယုမ်  
 ပအေ,ကဲဒီး ယာ်ည်,ဒါင်းဇား ဟည်ညွှိုက်ဒါ်,ပေါ,ကဲဟာ်။"






"ဘည်ဘည်းမာ် ကအာင်းဆဲကလံက် စီဇေးညားတီင်ကတာည်း  
 မဲမ်း တင်းဒီးစီဒါင်း စီပျိုည်းကွမ်းဒေးလ် အိုည်းကိုင်းတဒေပ်၊ တော  
 ကိုင်းတဒေပ်၊ အူပယားတဒေပ်ဟံ့။ စားကဲအီးယဲဝ်းအူနဲးတညာဝ်းဒိုနဲး။"



တပဲစံင်ကဲစီအာဝ်ကညွဲနဲးမ ပံင်ဆီင်ဒါးအပိုမ်ဒီး။ ဂေါ၊မိုးဘာည်းဇဲန်း  
 ယေဆုစီဒါး "ကအာင်းဆဲဒီး မိုး ကျော့တြားစံင်ဖြား။ ကအာင်းဆဲ အီးဇေး  
 ညားပျို အိုနဲဒါ်နဲဒီး စီတံင်နေးတတ် စားကဲအီးယဲဝ်းအူနဲးတညာဝ်း ကျော့တြား  
 စံင်ဖြားမာ် ဆံမ်အာဝ်ကညွဲနဲးမ ပံင်ဆီင်ဒါးအန်း။ ဂေါ၊ဘာည်းဇဲန်း ခုနဲဆိုင်  
 စီလာည်းလည်လေးစိုနဲ ကျော့တြားစံင်ဖြား ပံင်ယဲဝ်းတညာဝ်းဒေးအန်းကဲကဲဒီး  
 ဟံ့။"



"ကအောင်းဆဲအီးဇေးညား တောင်းကတည်းခါည် ဒီဘျာ်ညကတည်းမာ် တံင်နေးတံာ် တူအီးကလံက်၊ ဘျိုင်ယဲဝ်းတညောင်းကဲတံာ် ကျေးတြားစံပ်ဖြား ကဲဘည်ခိုည်းစံမ်မာ် မိုးလို့ည် ဆာ်ကဲကညားကီန်းဒည်း၊ နေးကဲဟည်ဗီးကညွည် ဟောင်းပေါ်ဟာ်။"



"အီးမိုးကအောင်းဆဲ အန်းအီးဇေးပျိုယုမ်ပအေကဲဒီးမာ် တံင်နေးတံာ် ကဲအီးယဲဝ်းတညောင်း ညျှေမ်တော့ဟောင်းကျေးတြားစံပ်ဖြား။ ဘည်ဘာည်းမာ် ဆာ်လှာ်နဲဒေး နေးညျှေမ်ကဲ တာ်စံပ်ဖြားဒီး ဟည်ဘူမဲးမ၊ ဂေါ၊မိုးနေးတံက် တော့ဂျိုးအုက်စာ ခဲင်းလောကနီး။ အီးမိုးကျေးတြားစံပ်ဖြား ပံင်တညောင်းအူန်း ကဲမာ် ကဲဘူဆမားမကလောင်း တာ်အီး။ ဂေါ၊မိုးဘာည်းဇဲန်း ကအောင်းဆဲဒီး အန်းဘူဆမားမပျိုည်းဒေး။"



"ဘည်ဘာည်းမာ် ကအာင်းဆဲဲအန်းအီးဇေးညား တဲင်းကတာည်း  
မဲမ်းဒီး တံင်နေ့တတ် ကဲအီးယဲဝ်းတညာင်းကျေးတြားစံပ်ဖြား ကဲညျေမ်  
ကံမ်ကျာင်း တော,ဟာဝ်းပေါ,။ ကဲဆမားဟောကလောင်းခည်နဲစံမ် တံ့တူအီး  
ဟည်း။ ကအာင်းဆဲဲဒီး အန်းစီပျိုည်းကွမ်းဂိုန်းဒေးဟံ့။"

၃၄။ အပိုမ်ကျော့ကကည်း  
မျိုးဟည်း ပံင်ကလောင်းန  
စံဝ်ယေဆု



မတဲ ၁၃:၃၁-၃၃၊ ၄၄-၄၆၊ မာကု ၄:၃၀-၃၂၊ လုကာ ၁၃:၁၈၊ ၁၈:၉-၁၄



စံဝ်ယေဆုစီဒါးအပိုမ်ကျော့ကကည်းအီးဟည်း ကကည်းကလောင်းနဲ့လာ်  
 လော်င်ကိုင်းစံဝ်ဖြား။ အန်းစံဝ်ကလောင်းဒါး “ ကိုင်းစံဝ်ဖြားဒါးအီးနီး၊ အန်းတံင်နေ့  
 တ် ကအောင်းတဲင်းအဲး ပံင်တီဆံမ်းအူန်း တူအီးအူချော့ ပါ့ ခဲင်းလိုင်းနား။  
 ကအောင်းတဲင်းအဲးဒီး၊ အန်းဒဲမှယ်ဒို ခူကအောင်းဆမဲကဲအီးဟည်း။ ”




"ဘည်ဘာည်းမာ် ဓါည်းတီဟော်ည်၊ ဘိုဝ်ဒါင်းဒဲးတင်းအန်း အန်းဒါင်းဇား  
 ဒို ခူတင်းတဲင်းမျိုးဟည်း ခဲင်းလိုင်းဒီး၊ ဆိမ်းကဲအီးပိုဝ်ပါ့ ပျိုန်း ကံပ်ဘိုန်းဒဲး  
 ဂေါ်ည်းဒဲးချူ၊ တီင်တင်းအန်း။ "



ဓါည်းဒီး စံဝ်ယေဆုစီမီးကလောင်းနဲ့ဘိုး အပိုမ်ကျော့ကကည်းအီးဟည်း  
ဘိုးအူလှေ၊ ဒါး “ ကိုင်းစံဝ်ဖြားဒါးအီးနိုး အန်းတံင်နှေးတတ် ပဲင်း။ အီးစီတေးပဲင်းဒီး  
ဟပ်တံင်ကဘခမုန်း နိုတ်းကဆူးကယံဝ်၊ ပဲင်းဒီး စီဒဲးခမုန်းဒီး ပဂူ၊ဖိုပ်ဒါင်းဒဲး။ ”



"ကိုင်းစံဝ်ဖြားဒါးအီးနိုး အန်းတံင်နှေးတတ် ဂျိုးခြီးဂျိုးရိုန်း ပံင်တီ၊ချိုင်းအူန်း  
အီးခဲင်းနား။ ချေးအီးဒဲးယဲင်းအခည်း ဟည်စီးတီ၊ချိုင်းဘိအူန်းဘိုး ချဲမ်းချဲမ်း၊  
စီခိုည်းလည်လေးမီးဟောင်း စီမီးယံင်းဒို့ ပံင်မဲးအန်းပါပည်မဲး စီဒဲးဇိုဝ်းလာည်း  
လာ်နားဒီး။ ”



"ကိုင်းစံဝ်ဖြားဒါးအီးနီး အန်းတံင်နေ့တော် ပ္လျ်းပွဲစဲတ် ပံင်ကြာ်ညးဇိုဝ်းလာည်း တူအီးလည်း။ ဘိုဝ်ယဲဝ်းအန်းတော် ပ္လျ်းပွဲအီးမဲးငါးမဲးခံန်း၊ အန်းစီဗီးဟောင်း ယံင်ဒိုဟ်း ပံင်မဲးအန်းကဲ၊ စီဇိုဝ်းလာည်း ပ္လျ်းပွဲဒီး။"



ဓါည်းဒီး စံဝ်ယေဆု စီခည်နဲဘိုးအပိုမ်ကျေားကကည်း လော်င်တူအီးချေးအီး အိုင်ညေ့မ်ဒါးကုဆိုအန်း စီရဲန်းထာင်ဒဲ တံင်အီး။ "စီမဲးလာ် တူအီးအယ်ချေး ဟိုက်ဟောင်း ပ္လျ်းစော်င်းစံဝ်ဖြား စာနံင်မှာန်းဆူး။ အူချေးစီမိုးလာ် ဖာရိဆဲ စာအူချေး ဆံမ်မိုး တူအီးကပ်အခေါ်န်။"



"ဟရိဆဲဒီး စီမှန်းဆူးဒါးလတ်ဘာည်းလျှဲန်း 'အိုဝ် စံပ်ဖြား ၊ အံဝ်းတောင်  
 ကေးစူးဒါင်းခည်းခည်းနား၊ ဂေါ၊မိုး အံဝ်းအောင်ဘာည်းမ ချေးအီးဟာည်း၊  
 အီးယားကံဝ်းအိုင်ဟိုမ်းအီး၊ စိုန်အီး ဒဲဇဲန်းအောင်ဝါန်း အံဝ်းအောင်ဘာည်းမ  
 ချေးအီးကဲပ်အခေါ်န်ဒိုဝ်း'။"




"အူခိုင်အူခိုင်နီး အံဝ်းစောင့်ပံင်ဟိုမ်းအယ်ဘော်ကံ။ ဂါဆိုင်မိုးပံင်ဘိုန်းအံဝ်း  
 ကိုဝ်းပုန်အူပုန်မာ် အံဝ်းလူဒဲးဟာ်။"





ဘည်ဘည်းမာ် ချေးအီးမိုး တူအီးကပ်အခေါ်နဒီးအခည်း၊ အန်းစီဇင်းဒါး  
 ဒိုင်းဒိုင်း ကပ်ဘူယလ်ဆိင်ဂဲးတိုဝ်းဟိုက်ပါ့ ပျိုန်း ဂီတပီးကဲန်းနော့အန်း မှာန်း  
 ဆူးဒါး “အိုညည် စံပ်ဖြား၊ ကဓါည်းဒဲးဟံင်းအံဝ်း ချေးအီးမဲးအပျတ်ဂိုန်းနီးနား။”




ဓါည်းဒီး စံပ်ယေဆု စီဒါး “အံဝ်းနံင်ကလောင်းအီးမိုးအီးမှာန်အန်း ချေးအီး  
 ကပ်အခေါ်နဒီးအခည်း စီကတူးစံပ်ဖြားပျိုတ်ဒဲးပံင်ကလူညည်အန်းဖ်း ဟည်စီး  
 ဟောင်းလ် ပါ့ခလဲပ်အန်း။ ဘည်ဘည်းမာ် အီးမိုးဖာရိဆဲဒီး စံပ်ဖြားအာဝ်ပျိုတ်  
 ဒဲးမ ပံင်ကလူညည်အန်း။ ချေးအီးထာင်ဒါင်းတိုးကဲ နံင်ကညားဆကျူ၊ချေမ်းအီး။  
 ချေးအီးဆမားဆကျူ၊ချေမ်းအီးအခည်း အန်းနံင်ကတူးအီးဇိုက်ဖိုက်အန်း  
 ဂေါ်ည်းဒီးဇားဟာ်။”

# ၃၅။ ကုန်အိမ်းမေးနော့ ကစဉ်းဒါင်း



လုကာ ၁၅:၁၁-၃၂




မဲးလ်အူဆငည်း စံဝ်ယေဆုစီဟောကလောင်းပနံးဒဲး တံ့တူအီးမဲး  
ပံင်ကလူည်,ကဲ ကာည်း တူအီးကဲပ်အခေါ်နံ့ကဲ။



တားအောဒါင်းဟဆာကဲ စီဆိုင်ဇာင်းပေါ,ခည်း တံ့စံဝ်ယေဆု၊ ဂေါ,မိုး  
အန်းစံဝ်ဂီကအုပ်ကမိုန် ရဲန်းဘံဝ်ဖိုင်:ဘံဝ်ဘိုက် တံ့တူအီးစားကဲဘာည်းဇဲန်း။  
ဂေါ,မိုးဘာည်းဇဲန်း အန်းစံဝ်စီခည်နဲ့ အပိုမ်ကျေား ကာည်းဘိုးအူမျိုး။




"မဲးလတ်တားဒီးအူချွေး၊ အန်းမဲးလတ် ကော်န်းအီမာည်းအယ်ချွေး။ မဲးလတ်အူဆငည်း ချွေးဒဲစီဒေးမှာန်း တံ့ကူန်အန်း ဒါး 'ကူန် ကဆောင်းဒဲးဟံင်း ချမ်းထဲန်လိုအံင်းတံ့လတ်ဘိုန်း။' အီးမိုးကူန်ကာည်းမာ် ဟည်ကဆောင်းဒဲး ချမ်းစာနံင်စာမ်ကာည်း အူချွေးအူကဒည်။"



"ချွေးဓါးစီတေးဟ်း ဂျိုးပံင်ဘိုန်းအန်းဒီးပါပည်မဲး စီလည်လေးဟောင်း ပါဒီဒိုင်း။ ဓါည်းဒီး အန်းဟည်ဒါးစာည်တလူ့တလာည်းစိုန်၊ စိုင်းမံင်းဟိုမ်းပျော် တော်ဂျိုးအုက်စာ ပံင်ဒိုည်းဒဲးအန်း ကံပ်ဒိုဒို။"




"ဇိုယာမ်းဇဲန်း အီးမိုးကိုင်းပျီ ဟောင်းစမ်းအန်းဒီး စီပေန်ဖေးအဲတ်ဟိုမ်းဟာ။ အန်းမာ် ဟည်ဇေးကီန်းဒည်း ဘူမဲးရိုန်းဆိ စာနံင်ဇိုင်းပံင်ဟိုမ်း။ ဂေါ,မိုးဘာည်း ဇဲန်း အန်းစီတြာ်ည်,လာ်ရဲန်းဇိုင်း စီဟောင်းကညား ရဲန်းဇိုင်းချိုင်း ဟိုမ်းလာ်ည်။ ဂေါ,မိုးအန်းဟည်အဲတ်ယာ်းပံင်ဟိုမ်း ကံပ်မဲးနေားဆိင်ဟိုမ်းလာ် ပံင်ဟိုမ်းလာ်ည်, ဟာ်။"




"ဓါည်းဒီး အန်းစီနလူးတဂေန်းဒါ်း 'မဲ့အံင်နံင်ဘာည်းလာ် စံင်နည်။ ဂါဆိင်မိုးတူအီးပံင်ဆူည်,ကူန်အံင်ကဲ။ ကဲဆိင်ဘိုန်းအူန်း ဟိုမ်းဖည်း။ အီးမိုးအံင် အည်း။ စီဂီပေန်အဲတ်ဟိုမ်းဟာ, ပျီ ကိုင်းနီး။ အံင်နံင်ဗီးဗီးလို့ည် ပျီ ကူန်အံင် အံင်နံင်မှာန်းလို့ည်အံင်ပေန် တူအီးပံင်ဆူည်,အန်းအူချေးဟာ်'။"




"ဘိုဝ်ယဲဝ်းကူန်အန်းတံာ် ကော်န်းအန်းချေးဒဲး ဟည်စီးစီးဒဲး၊ အန်းမံာ် ဟည်ယဲဝ်းကစါည်းလံာ်ပေါ၊အခည်း ဘည်ဘာည်းကော်န်းအန်း။ အန်းစီတဘု ဟာဝ်းဂျာ်, အူးညှော်ည်,လံာ်ပေါ, ကော်န်းအန်းဒီး။"




"ဘိုန်ဇဲန်း ကော်န်းအန်းချေးဒဲးဒီး၊ စီဒါ်; ‘အံဝ်းဟည်ကလူည်, စံဝ်ဖြား။ ဟည်ကလူည်,မည်းကူန်ဟံာ်။ အံဝ်းဘူကိုင်တာန်မလံာ် ပေန်ကော်န်းမည်း။ ဂေါ,မိုးဘာည်းဇဲန်း အံဝ်းနံင်မှာန်းလို့ည် အံဝ်းပေန်တူအီးပံင်ဆူည်,မည်းနား’။"




"ဘည်ဘည်းမာ် ဂေါ,မိုးကုန်အန်း ဟည်ခိုည်းယောင်းလိုင်ကော်န်းအန်း ဟည်ဗီးဒေး။ အန်းစီတေ, တူအီးပံင်ဆူည်,အန်းကဲ အူချေး စီဒါး'ဟောင်းလံင်ကံန်း တေးဒေးတဆီးအန်းအီးချဲမ်း ချေပ်ဒေးတုံကော်န်းအံမ်း။ တေးဒေးဘိုးဆိုက်ကနူး ချိုတံင်ကနူးအန်း၊ တေးဒေးဘိုးခနဲပ် ဒေးအန်းချေပ်နား။ ဓါည်းဒီး စီပယာ်မ်းမက် စာအဲနံင်ရဲန်းပျိုည်းပါင်ဟိုမ်း။ ဆိမ်ဘာည်းဆံမ်ဒါးလာ်ဘာည်းဇဲန်း အာည်,နီး ကော်န်းအံမ်းဟည်ယာ်မ်းဟော်ည်, စံင်နည်ကော်န်းအံမ်း ဟည်ဗီးအိမ်းဒေး ဟော်ည်,ဘိုးဟာ်။ အာည်,နီး အန်းဟည်ကမ်းဟောင်း စံင်နည်အံမ်းဟည်ဗီးယဲဝ်း ဟော်ည်,။"



"ဓါည်းဒီး ကဲစီရဲန်း ပျိုည်းပါင်ဟိုမ်း စီမအဲးခိုည်းပျော်ပေါ,အခည်း။ ဓါည်းဒီးအူတည် ပီဒါင်းအန်း စီယာ်ည်,လာ်ပျို နား ဗီးဒေးစာ်မ်း။ ဘိုဝ်ယဲဝ်း တညောင်းအန်းတာ် ဟာ်မ်းမှော်ဟာ်မ်းဆကျင်းကဲကဲဒီး၊ အန်းစီတဂေန်းဒါး ဆီကဲဆံမ်ဂီရဲန်းလာ်ဘာည်းညေ့န်း။"




"ဘိုဝ်နာ်,အန်းတတ် ကဲရဲန်းပျိုည်းဟိုမ်းပျော် ဂီရံပ်အိုင်ရိုးလာ်ဓါးအန်း  
ဟည်းဗီးဒဲး ပါ့ ခလဲပ်ကဲ၊ အန်းဟည်းဇာ်းပေါ့အည်း စီဘူလဲပ်မခဲင်း  
ခလဲပ်ကဲ။ အီးမိုးကူန်အန်း ကံပ်လေးတဲ,အန်းလဲပ်ဟိုမ်း တခိုည်းပျော်  
တော,ကဲမာ် အန်းဟည်းထဲင်းပေါ,ကျော့ကူန်အန်း။"




"ကော်န်းအီးမည်းဒါင်းအန်းမာ် စီဒါ်းတံ့ကူန်အန်း 'အံင်းဂေါ်ည်းရဲန်း  
ဒဲးဇိုင်းတော,ကူန်ကံပ်လှာ်နး၊ အံင်းအာ်ကလူည်,မ မည်းကူန်ခံင်ဘော်ကံ။  
တောဒဲးနော့ကူန်တော်န်းဘော်ကံ၊ စာအံင်းနံင်ဟိုမ်းတော,ဘံင်ဖိုင်း ဘဲဒဲ  
အူတိုလို့ည်မာ် မည်းအာ်ဒဲးဟံင်း။ ဘည်ဘာည်းမာ် အီးမိုးကော်န်းမည်း  
ချေးအီးကံင်းဗိုန်ဒိုဟ်းရိုန်းဒီး ဘိုဝ်ဗီးဒဲးအန်း မည်းဆံမ်ဟည်းပယာ်မးလာ်ဒါး  
မက်အီးကွန်းအန်း စီချိုင်းဒဲးစာအန်း ဘာည်းညျေ့နး'။"






"ကုန်အန်းစီဗီးဒါး တံ့အန်း 'ကော်န်းအိုည်၊ မည်းမိုးချေးအီးဂေါ်ညးဆေ  
တော,အံဝ်း၊ အီးမိုးဂျိုးအုက်စာ အံဝ်းကဲနီးပါ်ပည်မဲးမာ် ဂီမိုးဒိုလံ့မည်း။ အီးမိုး  
ဗါးမည်းဒီး အာည်,နီး အန်းယာ်မး၊ စံင်နည် အန်းဟည်အီမ်း။ အာည်,နီး အန်းက  
မာ်း၊ စံင်နည် ဟည်ဗီးယဲဝ်းဘိုး။ ဂေါ,မိုးဘာညးဇဲန်း အဲစီမဲးလာ် လော်င်ပါင်  
ပျိုညးဟိုမ်းဟံ့'။"


# ၃၆။ ဘည့်ဘာည့်းခလာည့်း အရောင်တိုးစံဝ်ယေဆု




မတ် ၁၇:၁-၉၊ မာကု ၉:၂-၈၊ လုကာ ၉:၂၈-၃၆




မဲးလာ်အူဆညး စံဝ်ယေဆုစီတေ,လို့ည ပေတရု၊ ယာကိုပ်၊ ယောဟန်၊ ကဲစီဟိုက်ဟာဝ်းလာ် ပါ်တေင်းနော။ (ယောဟန်ချေးဒီး အာဝ်မိုးမချေးအန်းအီး ဒဲးဘပ်တိစမ်ဇေပ်အေမ်း တံ့စံဝ်ယေဆု။)



ဇိုယာမ်းဇဲန်း အရာင်တိုးအန်းစံမ်ဟ် ဟည်ခလာည်းဒဲးကတိုင်ကတင် အီးမိုးနာငါည်းအန်းစံမ် စီဟိုဝ်ပျိုင် ဘာည်းပေါ,ဆာင်ငည်း၊ တဆီးချေပ်အန်းမ် ဟည်ဟိုဝ်လူည်းဆငါးပေါ,အခည်း၊ လူည်းလဘူည်,မှယ်ပေါ, ဂါဆိုင်မိုးအီးလူည်း တေင်းကတာည်း။




ဓါည်းဒီး အီးမိုးမောဆေကာည်းအေးလိယ စီကတ္တုဒေးပေါ,အူတ်နး၊  
 ကာည်းဒီးမိုး အန်းအီးအဆာက်အိမ်း ခည်အာည်,နီး။ ကာည်းစီကအုပ်ကမိုန်လတ်  
 တော,စံဝ်ယေဆု၊ ဂီကလောင်းလောင်ဘည်ဘာည်းစံဝ်ယေဆု နံင်ကတူးယာ်မ်း  
 ပျိုလှိုင်းယေရုဆလိင်။



ဇိုယာမ်း မောဆေကာည်းအေးလိယ ဂီလည်ကအုပ်ကမိုန် တံ့စံဝ်ယေဆု၊  
 ပေတရုစီဒါ်း တံ့စံဝ်ယေဆု “အိုည် ဩ အရာပ်ပျိုနီး အန်းမဲ့မ်ဂေါ်ည်းပေါ,  
 အခည်းကော်။ ဆာ်မည်းစံဝ်ကံပ်မေးနော; ဒေးယေးရဲန်းဒေး ထောင်းအိုည်းကဒူ,နား၊  
 စာမည်းစံဝ် အူကဒူ၊ စာမောဆေ အူကဒူ၊ စာအေးလိယဘိုး အူကဒူ။” ဂေါ,မိုး  
 ကဲဟည်ကစားကဒိုန်းယာ်း ပေတရုဟည်ဘူနာ်,မ ပံင်နံင်ကလောင်းစီဟည်ပျော်တ်  
 လေးလတ် ကျော့အန်းဘာည်းဇဲန်းဟာ်။



ဇိုဂီကလောင်း ပေတရုတ်ဘာညည်းဇဲန်း၊ အုင်အူစီလေးဒေးဖ်း လှိုက်အုင်  
 အူဒီး စီညိုက်ဒါ၊ တောင်းကဲ၊ အီးမိုးတိုင်ခဲင်းအုင်အူဒီး စီမဲးလတ် ဟ်မ်းကျော့  
 ဒါး “ ချေးဒီး မိုးပေါ၊ ကော်န်းကမဲးအံဝ်းဟံ့၊ တညောင်းလာညည်းဒို့ ကျော့အန်း  
 နန်း။ ” တပဲစံင်ကဲအိုညည်းချေးကဲမာ် ကံပ်ဂေးအိဟောင်းဒို့ပေါ၊ တောင်းကတာညည်း  
 ဂေါ၊ မိုးကဲဟည်ကစားကဒိုန်းကဆဲဝ်းယောင်း။




ဓါညည်းဒီး စံင်ယေဆုစီကမ်းဒါး တပဲအန်းကဲ၊ စီဒါးလတ်တံ့ကဲ “ ပဲခူယံဝ်းနန်း။  
 ယာ်ညည်၊ ဒေးလတ်။ ” ဘိုဝ်တိုဝ်းကပီ၊ ကပီန် တပဲအန်းစံင်ကဲတတ် ရီမ်းကဲကဲဒီး၊  
 ယာမ်းဇဲန်းပေါ၊ ဘိုန်ဒစံင်ယေဆုအူချေး ကဲဘူယဲဝ်းမဆိ။



ဇိုဂီလည်လေးဒေးကဲတတ် ဒတဲင်းနောဒီး၊ စံင်ယေဆုစီတတ်မ်းအူန်း တံ့တပဲ  
အန်းကဲ ဒါ်း “ပံင်ယဲဝ်းပဲကဲနီးပါ်ပည်မဲး၊ ဂါကော်န်းတူအီးနီး ညျံမ်ဗီးယာ်ည်၊  
အိမ်းဒေး ဒယာ်မ်း၊ ပဲခူကလောင်းနဲ့ တံ့ဆိနား။”




၃၇။ စံဝ်ယေဆု ရဲန်းဒဲး  
လာဆရု မီးယာ်ညှ်, အိမ်းဒဲး  
ဒယာ်မ်း




ယောဟန် ၁၁:၁-၄၆





မဲးလာ်အူဆငည်း စံဝဲယေဆုစီယဲဝဲးတညာ်းလာ် ခါင်လာဆရု ဆဲးဒါင်း။ လာဆရု ကာည်း ပီလိုည်းအန်း အီးမိုးမာရိကာည်းမာတ ကဲပါအိုည်ချွေး၊ ကဲစီမိုးဒို ဘံဝဲဖိုင်းကမဲး စံဝဲယေဆုအခည်း။ ဇိုယာမ်း စံဝဲယေဆုယဲဝဲးတညာ်း ခါင်ဒီး၊ အန်းစီဒါ်း “ဆဲးဒါင်းဒီး နံင်အာ်မိုးမ စာယာ်မဲးတဟော်ည်,ဟာ်း၊ အီးဒီးမိုး စာနံင် လိုဝဲးဖိုင်းဆရေ စံဝဲဖြားဟာ်း။” စံဝဲယေဆုကမဲးပေါ,အခည်း မာရိ၊ မာတ၊ လာဆရု အီးမိုးကဲပီစါး ပါအိုည်းချွေး။ အန်းစံဝဲ ဘည်ယဲဝဲးတညာ်း လာဆရု ဆဲးဘာည်း ဇဲန်းမာ် အန်းအာ်စီးဒဲးမပေါ, ပါ်ကဲ၊ အန်းဂီဂေါ်ည်းအူန်းလို့ည်ပါ် ဒီး တော် ကံပ်ဘိုန်းဘိုးဘျည်းအယ်ဆငည်း။




ဓါည်းဒီး စံဝဲယေဆုစီဒါ်း တံ့တပဲအန်းကဲ “အဲလိုစီးဟာ်းဘိုး ညျာအရာပ် ယုဒ။” တပဲအန်းကဲမာ် ဒါ်း “ဓိုင်အီးဘိုန်ဒဲး၊ ယုဒကဲ ဩ်ည်,ကျာမ်ပယာ်မဲးစိုန် မည်းစံဝဲ အာ်မိုးဟိုဝဲ၊ ဆိမ်ဘာည်းဆမ်ဆိင်စီးဟာ်းဘိုးညျာဒီး။” အန်းစံဝဲစီဒါ်း တံ့ကဲ “ဘံဝဲဖိုင်းအဲ လာဆရုဒီး ဂီအိင်မဲး၊ အံဝဲးလိုဟာ်းပါ် ဒီး စာနံင်ပျာ်ည်,အန်း ယာ်ည်။”



အန်းစံကလောင်း လောင်လာဆရု အိငါမ်းဒီး၊ တပဲအန်းကဲအာဝ်ကညွူးနာ်၊မ  
 ဂီထာင်လို့ည် မိုးလာဆရု အိငါမ်းအခည်း။ ဂေါ၊မိုးဘာည်းဇဲန်း အန်းစံစီဒါ်  
 “လာဆရု ဟည်ယာ်မ်းဟော်ည်။ အံးခိုည်းပေါ၊အခည်း၊ အံးအာဝ်ဂေါ်ည်းမ  
 ပါ်ဒီး ခည်ယာ်မ်းအန်း၊ စံနည် ဂေါ၊မိုးပဲနံင်ဘိုန်းယဲဝ်းတိုဝ်း ပံင်အီးမဲ့မ်အာမ်း  
 နှာင်းပဲညှေမ်။ ဟား၊ အဲဟာဝ်း ပါ်ဂေါ်ည်းအန်းဒီး။”




ဘိုဝ်ဒဲးစာ်မ်း စံယေဆုတ် ပါ်ဒီး၊ လာဆရု ယာ်မ်းကံပ်ဘိုန်းဖိုန်းဆငည်း။  
 မာတစီလေးဒဲးရံပ်အိုင်ရို; စံယေဆု၊ စီဒါ် “ဆာ်မည်းစံ စီဂေါ်ည်းအူန်းလာ်ပါ်  
 နီးအခည်း၊ အီးမိုးဓါးအီးမာည်းအံးနီး နံင်အာဝ်ယာ်မ်းမ။ ဘည်ဘာည်းမာ် အံး  
 ညှေမ်အိုဝ် စံဖြား နံင်တညာဝ်းဒဲး၊ ဂါဆိင်မိုး ပံင်မှာန်းမည်း တံ့အန်းစံ။”




စံဝ်ယေဆု စီဒါ်; “အံဝ်းမိုး အီးဒဲး; စီးယာ်ညံ,အိမ်းဒဲးဒယာ်မ်း၊ မိုးအီးဒဲး; အဆာက်အိမ်း။ ဂါဆိင်မိုး ကဲအီးညျေမ်အံဝ်းဒီး၊ ကဲဘညံယာ်မ်းဟောင်းစံမ်းမာ် ကဲနံင်စီးယာ်ညံ,အိမ်းဒဲးဘိုး။ ဂါဆိင်မိုး ကဲအီးညျေမ်အံဝ်း နံင်လော်တ်ဘိုန်ဒယာ်မ်း ပါဇိုနား။ မည်းညျေမ်လာ် ကျော့အံဝ်း။” မာတစီမီးဒါ်; “ညျေမ်အိုဝ်စံဝ်၊ မည်းစံဝ် မိုး စံဝ်ခရိတ် အီးမိုးကော်နးစံဝ်ဖြား၊ အီးလေးဒဲးတဲင်းကတာည်း။”




ဓါည်းဒီး မာရိမာ် ဟည်ဒဲးစံမ်းဘိုး ရိမ်းစံဝ်ယေဆု၊ အန်းစီအံက်ဆကျူ၊ လအာည်,ဇာ်နးအန်းစံဝ် စီဒါ်; “အိုဝ်စံဝ်ကညျား၊ ဆာ်မည်းစံဝ် စီဂေါ်ည်းအူန်းလာ် ပါ်နီးခည်း ဓါးအီးမာည်းအံဝ်း နံင်အာ်ယာ်မ်းမ။” စံဝ်ယေဆု စီမော့,ကဲ “ပါ် မွဲ ပဲအူန်း လာဆရူ။” ကဲစီမီးဒါ်; “အန်းဂေါ်ည်းခဲင်းထံမ်ဖေဝ်း။ မည်းစံဝ် ဒဲးတိုဝ်း ဟံင်းအန်း။” ဓါည်းဒီး အီးမိုးအဲမ်းငါည်းအန်းစံဝ်မာ် ဟည်တက္ကူ;ဇေးပေါ,ဟာ်။



အီးမိုးပျိုဖေဝ်းဒီတီ,အူန်းကဲတ် လာဆရဒီး၊ မိုးကတဲဝ်းထံမ်အီးဒါးက္လိန်း  
 မာ်းဒါင်း ဂလိင်ဘိအူန်း။ ဘိုဝ်ဟာ်းစာ်မ်းစံ်ယေဆုတ် ပျိုဖေဝ်းဒီး၊ အန်းစီဒါး  
 တံ့ကဲ “ဂလိင်ဒဲဝ်းဗိုန် က္လိန်းမာ်းတော်ည်း”၊ မာတစီမီးဒါးလာ် “စံ်ကညျား၊  
 အန်းယာ်မ်း ဟည်ဘိုန်းလာ်ဖိုန်းဆငည်း နံင်ဟည်အူးအာမ့ယေဝ်း စံင်နည်။”



ဘိုန်ဇဲန်း စံ်ယေဆုစီမီးဒါး “ဆာ်ပဲညျေမ် ပဲနံင်ယေဝ်းဖုင်းဆရေ စံ်ဖြား၊  
 အံဝ်းကလားအူန်းဘာည်းဇဲန်း အာဝ်မိုးဟိုဝ်။” ဂေါ,မိုးဘာည်းဇဲန်း ကဲစီစူန်း  
 ဂလိင်ဗိုဝ်းဗိုန် က္လိန်းမာ်းဒီးဟာ်။



ဓါည်းဒီး စံဝဲယေဆုစီဆိုင်ဂဲးတိုဝ်းဟိုက်ဒါး ပါ့ပျိုန်၊ စီဒါး"အိုဝ်ကူန်စံဝဲ၊  
 မည်းစံဝဲကံပဲတညာဝ်းဒဲးကျော့အံဝ်းမာ် ကေးစူးမည်းစံဝဲ ဒါင်းပေါ၊အခည်းဟာံ။  
 အံဝ်းမာ် ဟည်နာ်ပေါ၊ မည်းစံဝဲ တညာဝ်းဒဲးကျော့အံဝ်း ဆေဆေ။ ဘည်ဘာည်း  
 မာ် ဂါဆိုင်မိုးတူအီး ကဲအီးဂေါ်ည်းကပါ်,ကပါ် န်အံဝ်းစံင်နည်နီး နှာင်းကဲကံပဲညှေမ်  
 ဒို့ အံဝ်းမိုးပံင်တိုန်ဒဲး မည်းစံဝဲ၊ အံဝ်းမာ် ဟည်မှာန်ဒဲးအူန် စာကဲဘာည်းညှေန်  
 နာ်း။" ဓါည်းဒီး စံဝဲယေဆု စီအောင်းဒါး; "လာဆရု ယာ်ည်,လေးဒဲးလာ်။ "



ဘိုန်ဇဲန်း လာဆရုမာ် ဟည်ယာ်ည်,လည်လေးဒဲးပေါ,အူတ်န်းဟာံ။ အီးမိုး  
 တိုင်တိုးပိုင်းအန်းမာ် ဂီမဲးအူန်းအီးမိုးတံက် ပံင်ဒါးတတ် ပည်းခည်ယာ်မ်းအန်း။  
 ဓါည်းဒီး စံဝဲယေဆုစီဆူည်, နှာင်းတူအီးဂိုန်ကဲ လာည်းဗိုန်တံက်ပံင်ပည်းအူန်း  
 တိုင်အန်းဒီး။ ဂေါ,အီးမဲမ်အာမ်း ပံင်ရဲန်းဟာဝ်း စံဝဲယေဆုဒီး၊ အီးမိုးယုဒကဲမာ်  
 ဟည်ညှေမ်ဒဲး အန်းစံဝဲ ဂိုန်လာ်ပေါ,အခည်းဟာံ။



ဘည်ဘာည်းစံမ်ဇဲန်းမာ် အီးမိုးယုဒကဲအီးရဲန်းဇိုင်းဖာည်ဖာဆာကဲ၊  
ကဲစီဟည်နော့ဆကေးပေါ၊ခည်း တံ့စံ်ယေဆု။ ဂေါ၊မိုးဘာည်းဇဲန်း ကဲစီ  
လည်ကအုပ်၊ကမိုန် စာနံင်ကျမ်ပယာ်မးစိုန် စံ်ယေဆုကာည်းလာဆရ။




# ၃၈။ စံဝ်ယေဆု ကညား အီးယားလှိုင်စိုန်ကတိ




မတဲ ၂၆:၁၄-၅၆၊ မာကု ၁၄:၁၀-၅၀၊ လုကာ ၂၂:၁-၅၃၊  
ယောဟန် ၁၈:၁-၁၁







စံဝ်ယေဆုမာ် လှယ်လာ်ဟောတြားအန်း ဟည်ဘိုန်းဘျည်းအိုည်းဆာင်နမ့်။  
 ခည်ဇိုင်ဒီး မိုးအချိုင်ယုဒကဲ ရဲန်းပွေါ်ဉ်းပတခါ စာနံင်နုလ္လု; ဘာည်းမဲ့စံဝ်ဖြား  
 ချော်တ်လည်လေးဒဲး အိတရေလကဲ ဒကိုင်အဲဂုတု ခည်ပေန်ကဲတ် မှာည်း  
 (လခါ)ပံင်ဆူည်,အီး။ စံဝ်ယေဆုစီဟည်နာ်,အူန်းပေါ, ဘည်ဘာည်းပံင်နံင်ကတူး  
 ကညားဟောင်းအန်း ခည်ဇိုင်မိုးတ် အချိုင်အီးရဲန်းပွေါ်ဉ်းပတခါဒီး။ အန်းစံဝ်စီ  
 ကလောင်းလာ် တံ့တပဲအန်း၊ အန်းနံင်ဟောင်း ပါ် လိုင်းယေရုဆလိုင်၊ အီးမိုးပါ် လိုင်း  
 ဒီအီးနံင်ပယာ်မ်းစိုန်အန်း။




တူအီးဒါင်းယုဒ ကဲအီးဂေါ်ဉ်းပါ် လိုင်းယေရုဆလိုင်ဒီး၊ ကဲစီအာင်ညှဲမ်မ  
 စံဝ်ယေဆုမိုးတ် မေဆိယ။ ကဲစီလည်ကအုပ်ကမိုန်လာ် စာနံင်ကျာမ်ပယာ်မ်းစိုန်  
 စံဝ်ယေဆု။ ယုဒဆကာရိုတ်ဒီး၊ အန်းမိုးတပဲစံဝ်အူချေးဟာ်။ အန်းစီဆမားဘျားလာ်  
 တေးဒါးရိုန်း ပံင်ထိုင်ကမ်းအူန်းအန်း။ အန်းစီဟောင်းယံင်းစိုန်လာ် စံဝ်ယေဆု  
 တံ့တူအီးဒါင်းယုဒကဲ။



တူအီးဒါင်းယုဒ အီးမိုးပံင်အော တားအောဒါင်းတားစောင်းကဲ စီဒဲးရိုန်း တဲင်ကား အိုည်းကိုဝ်းမေတ် တံ့ယုဒဆကာရိုတ် နှင်းအန်းယားလွဲဝ်ဗိုန်ကတိ တိုင်ခနားကာည်းစံဝ်ယေဆု စာနံင်ယံင်းဒဲး စံဝ်ယေဆု တံ့ကဲ။ အီးနီး ဟည်ပေန် ဒဲးပေါ, တော,တတ်ဘည်ဘည်း ဟောကလောင်းအူန်း ပရောဖဲတ်ကဲဟံ့။ ယုဒဆကာရိုတ်မာ် စီလည်ကဖောင်းနော; တံ့ကဲ၊ အန်းစီလာည်းဖားရိုန်းဒီး စီလည်လေးဟောင်းပေါ, စီဂီတြာ်ည်,ဒဲးအိုန်ဒါ်နဲး စာကဲနံင်ဘိုန်းကမ်း စံဝ်ယေဆု။




စံဝ်ယေဆု စီရဲန်းပျေါ်ည်းပတခါ တော,တပဲအန်းကဲ။ အန်းစံဝ် စီတဲး ကဆောင်းဒဲးဖားခမူန်းဒီး တံ့တပဲအန်းကဲ၊ စီဒါ် “တဲးဟိုမ်းနား၊ ခမူန်းပံင်က္ကားဒဲး အံဝ်းတံ့ပဲနီး မိုးယင်းအံဝ်းနား။ ရဲန်းတော,ဘာည်းညျဲန်း စာပဲ နံင်နုလ္လုးတံ့ အံဝ်း။” တော,တတ်ဘာည်းညျဲန်း အန်းစံဝ်ဒါ်; အန်းနံင်စော်န်းဗိုန်တိုးပိုင်းအန်း စာတပဲအန်းကဲ။




ဓါညးဒီး အန်းစံင် စီတေးဘိုးကလော်ကဲအဲမ်းပျိုညးဆပျိုတ် စီဒါးလ်  
 "တေးစိုင်းနား၊ အီးနီးမိုးနားအံင် အီးဆင်တံကတိ ဆေတ်စာတမာညး စာနံင်  
 ပါညးစိုန်ပံင်ကလူညးတူအီးပါပည်မေးဟာံ။ ပဲမာ် စာနံင်နုလူတံအံင်၊ ပဲစီရဲန်း  
 ဘာညးညှဲန်းနား။ တောတံဘာညးညှဲန်း အန်းစံင်ဒါး အန်းနံင်ဟေဒဲးနား  
 အန်း စာနံင်ပါညးစိုန်အိုင်ဂွဲတ် တပဲအန်းကဲ။



ဓါညးဒီး စံင်ယေဆုစီဒါး တံတပဲအန်းကဲ "အီးမိုးခဲင်းပဲကဲကဲဒီး၊ နံင်မဲး  
 အန်းအီးနံင်ယားလှဲဝဲစိုန်ကတိ တောင်းအံင်။" ဘိုန်ဇဲန်း တပဲအန်းကဲမာ် ဟည်  
 ကစားကဒိုန်း အာမ်းဒိုပေါ,အခည်းဟာံ၊ ဘည်ဘာညးမာ် ကဲအာင်နား,မ အီးမိုး  
 ခဲင်းကဲကဲဒီး နံင်မိုးချေးမ့ အီးနံင်ယားလှဲဝဲစိုန်ကတိ တံအန်းစံင်။ စံင်ယေဆု  
 စီဒါး "အန်းမိုးပေါ,ချေး ပံင်ကယားဒဲးအံင် တံအန်းဟိုမ်းခမူန်း အူမိုညးနီး  
 ဟာံ။" ဓါညးဒီး အန်းစီတေးခမူန်း ဒဲးတံယုဒဆကာရိုတ်ဟာံ။



ဓါည်းဟိုမ်းယုဒဆကာရိုတ်တတ် ခမုန်းဒီး၊ အီးမိုးခူန်ဆိုင်မာ် ဟည်လဲပ်ပေါ၊  
 ခဲင်းတိုးအန်းဟာ်။ အန်းမာ် စာနံင်ကဇော်ည်ဒဲးယုဒကဲ ကမ်းစံင်ယေဆု၊ အန်းမာ်  
 ဟည်လည်လေးဟောင်းပေါ၊။ ခည်ဇိုင်ဒီး မိုးအချိုင် ခည်ဆဲမ်း။




ဓါည်းဟိုမ်းဟော်ည်,ကဲတတ် ပိုမ်းမဲဝ်ဒီး၊ စံင်ယေဆုကာည်းတပဲအန်းကဲ  
 စီဟိုက်ဟောင်း ပါ်ညျာနော ဆာန်လူန်။ အန်းစံင်စီဒါ်; တံ့တပဲအန်းကဲ  
 “ဆဲမ်းအိုင်ဒီးပေါ၊ ပဲပါ်ပည်မဲးဒီး နံင်ဒဲင်းဗိုန်ဒိုအံင်း။”



ဘိုန်ဇဲန်း ပေတရုစီဗီးဒါ်; “ကဲကဲနီးပျီပည်မဲး ဘည်ဒဲးဗိုန်မည်းစံမ် အီးမိုးအံးအည်း နံင်အာင်ဒဲးဗိုန်မဘာည်းကဲ။” ဓါည်းဒီး အန်းစံမ် စီဗီးဒါ်တၢ် ကဲ “ခူန်ဆိုင်မာ် ဟည်ဆိုင်ဘိုန်ပေါ, ပဲပျီပည်မဲးနး။ ဘည်ဘာည်းမာ် အံး မှာန်းဒဲးဆူး စာမည်းပေတရု၊ နှာင်းနေားညှေမ်မည်း ကံပ်ဘူယော်မ်းနး။ ဘည်ဘာည်းစံမ်ဇဲန်းမာ် ဆဲမ်းအိုင်ဒီး အာည်,ကဒီးအိုဝ်းအိုည်းဘော်က မည်းနံင်ထံးဗိုန်ဒါ်; မည်းအာင်နာ်,မအံး။”




ဘိုန်ဇဲန်း ပေတရုစီဗီးဒါ်; “အံးဘည်ကတူးကညားစံမ်ယာ်မ်းတော, မည်းစံမ်အူဒီးမာ် အံးနံင်အာင်စုန်းဗိုန်မ မည်းစံမ်နး။” အီးမိုးတပဲစံမ် ကဲအီး ချေးဟည်း ကဲပျီပည်မဲးမာ် ဂီကလောင်းဒါ်ဒိုလို့ည် ဘာည်းဇဲန်းဟၢ်။




ဓါည်းဒီး ယေဆုကာည်းတပဲအန်းကဲ စီတံန်တော,ဟောင်းလာ် ပါဒီဒါ်အီးတံာ်  
 ဂေတဆေမာန်။ ယေဆုစီဆူည်,တပဲအန်းကဲ မှာန်းဆူး၊ နှာင်းကဲကံပ်ဘူယဲဝ်း  
 ဘူကညားတော,ဟောင်းတံာ် ခုန်ဆိုင်ကံဝ်းယော်ခလံဝ်းကဲ။ ဓါည်းဒီး အန်းစံဝ်စီဟောင်း  
 မှာန်းဆူး ကဒည်းအန်းအူချေး။




စံဝ်ယေဆုစီမှာန်းဆူး ကံပ်မိုးပေါ,အိုည်းဘော်ကံာ်၊ အန်းစီဒါ် “အိုဝ်ကူန်စံဝ်၊  
 စာနံင်ပျိုတ်ပံင်ကလူည်,တူအီးကဲ ဆာ်ဘူမဲး၊ အိုန်ဒါ်န်းဟည်းမာ်၊ နှာင်မိုးလို့ည်  
 တော,တံာ်ဘာည်းမဲးနေားမည်းနား။” ဂေါ,မိုးအန်းစံဝ် နေားအိုင်ဂီးနေားမှည်  
 ယာ်း အီးမိုးအဲမ်းကဖဲမ်းအန်းစံဝ် လှာည်ဇေားကံပ်ဘာည်းပေါ, အဲမ်းနာမ်း  
 ဟံ့။ စံဝ်ဖြားစီဆူည်,ဒဲး စံင်နှာင်းပါ်ပျိုန်း ဒဲးဒဲးညော်မ်း တံာ်အန်းစံဝ်။



စံန်အန်းမှာန်းဆူး ဟော်ည်,အူဘော်က်မ် အန်းဒေးဇူးပေါ, ပါ်တပဲအန်းကဲ အူဘော်က်။ ဘည်ဘာည်းမ် တပဲအန်းကဲ ဆမ်နာ်,လူည် ဂီအိင်မီးလတ်ဒါး။ ဘိုဝ်မိုး တာ် ဘော်က်လဘာ်န်းဒိုအီး အန်းစီပျာ်ည်,လတ်ကဲ စီဒါ်; “ယာ်ည်,၊ ယာ်ည်,နား ချေးအန်းအီးနံင်အာပ်အံဝ်း ဟည်ဒေးနား။”



ယုဒဆကာရိုတ်စီဒေးစာ်မ်းတံန်တော,၊ တော,တူအီးဒါင်းယုဒကဲ ကာည်း ကော်န်းနာန်းကဲ၊ ဒဇဲန်းအာပ်ဇါ်န်း စီတော,စံမ့ဘိုး တူအီးကိုင်ခေါ်န်းကဲ ဒေးကံပ် ပေန်ဖုင်ပေန်စုမ်းဟာ်။ အန်းစီဒေးအူးညောည်,လတ် ယေဆု။ အန်းရဲန်းဘာည်းဇဲန်း မိုးအန်းဆိင်နဲဒေး တူအီးဒါင်းယုဒကဲနာ်,မိုးတာ် ချေးကဲနံင်လိုကမ်း။ ဓါည်းဒီး ယေဆု စီမော,တံ့အန်း ဒါ်; “ယုဒ၊ မည်းအူးညောည်,လတ်ဒါးအံဝ်း အူဘော်က် စီအာပ်ဒေး လတ်အံဝ်း တံ့အီးဟိုဝ်။”




ဇိုကော်န်းနာန်းကဲ ကမ်းစံင်ယေဆုဒီး၊ ပေတရုစီတိုးဘို,အန်း စီတားဟပ်ချိုက် ပံင်ဆူည်,အူချေး အန်းအီးတော,ဒေ; တူအီးဒါင်းယုဒကဲဒီး။ ဘိုဝ်ဘာည်းတံ့ဇဲန်း ယေဆုစီဒါ်; “ဗိုန်ဘို,မည်းဒီး၊ အံဝ်းဘိုန်းစံမ့်ဟန်း တံ့စံင်ဖြား နှာင်းအန်းတိုန်းဒဲ; စံင်နှာင်းပျိုပျိုန်းကဲ ပျိုတံပ် စာနံင်ဒဲ;ကဇော်ည်ကောင်းဒဲ;အံဝ်း။ ဘည်ဘာည်းမာ် အံဝ်းလိုတညာဝ်း ကျော;ကုန်အံဝ်းနား။” အန်းကလောင်းဟော်ည်,ဟ်းဘာည်းဇဲန်း စီတေးချိုက်ချေးဒီး စီးကတိုက်ဆားနှမ်းဒဲ;ဘို; တံ့အန်းဟံ့။ တပဲအန်းစံင်ကဲမာ် ဟည်ဒဲဝ်းဟောင်းဗိုန်ဒို အန်းစံင်။





# ၃၉။ ဘည်ဘာည်း စံဝ်ယေဆု ကညားအီးစဲတ်မော့၊




မတဲ ၂၆:၅၇-၂၇:၂၆၊ မာကု ၁၄:၅၃-၁၅:၁၅၊ လုကာ ၂၂:၅၄-၂၃:၂၅၊  
ယောဟန် ၁၈:၁၂-၁၉:၁၆




အချိုင်းဒီးမိုး ကဒည်ဆဲမ်း။ ကော်န်းနာန်းကဲ စီတဲ,ယိုင်းဟောင်း စံဝဲယေဆု ပျံ့ခလဲပ် တားအောဒါင်းတားစောင်း စာနံင်စဲတ်မှော,တတ် အန်းစံပ်။ ပေတရုမာ် တော,ဟောင်းလဘာ်နဲးကဲ။ ဘိုဝဲတဲ,လဲပ်ကဲတတ် စံဝဲယေဆုခဲင်းခလဲပ်။ အီးမိုး ပေတရု စီအံက်ဓါ,အူန်းမူက်ငည်း ပျံ့ခရဲည်။




ဘိုဝဲလဲပ်စံမ်းတတ် ခဲင်းခလဲပ်။ တူအီးဒါင်းယုဒကဲ စီစဲတ်မှော, စံဝဲယေဆု။ ဓါည်းဒီး ကဲစီတဲ,ဟောင်းဒိုဆံက်ဆေ ချေးအီးနံင်ခံမ်ကလောင်း ခလံင်းလောင်ယေဆု။ ဘည်ဘာည်းမာ် ဆံက်ဆေပံင်ကလောင်းဟောင်းကဲ အူချေးတော,အူချေး အာဝဲလည်တံင်နေးမ။ ဂေါ,မိုးဘာည်းဖဲန်း ကဲမာ် ဟည်ဘူဆမားမနဲဒါ်; စံဝဲယေဆု မဲးအပျဲတ်။ စံဝဲယေဆုအခည်း အာဝဲဓီးကားအာဝဲဓီးဒါ်;မဆိ။



ဘိုဝ်ဘာည်းတံ့ဇဲန်း တားအောဒါင်းတားစောင်း စီတိုဝ်းစေးစေးဟ်း  
စံဝ်ယေဆု၊ စီမော့ဒါ်; “မေဆိယ အီးမိုးကော်န်းစံဝ်ဖြား မိုးမည်းဟိုဝ်။”



စံဝ်ယေဆု စီဗီးကလောင်းတံ့အန်း မိုးအိုဝ်၊ စီဒါ်; “အီးမိုးမည်းဟ် နံင်ယဲဝ်း  
အူန်းပေါ၊ အံဝ်းအံက်တံန်တော၊ တံ့စံဝ်ဖြား။” ဘိုဝ်ဘာည်းတံ့ဇဲန်း တားအော  
ဒါင်းတားစောင်းဒီးဟ် ဟည်ဆိုင်ဇာဝ်းပေါ၊အခည်း၊ အန်းစီတိုတ်တဘျဲးဗိုန်ပေါ၊  
တဆီးချေပ်အန်းဟ်း စီရိုင်းမော့ဒါ်လ် ဒါင်းဒါင်း “အဲဘူလိမ ဆံက်ဆေမျိုးမဲ့။  
ပဲဟ် ဟည်ယဲဝ်းတညာဝ်းအူန်းဒို အီးမိုးချွေးနီးဒါ်; အန်းမိုးကော်န်းစံဝ်ဖြားနား။  
တံမ်အပျဲတ်မျိုးမဲ့ ပဲဆိုင်ဒဲးတံ့အန်း။”



ဘိုန်ဇဲန်း တူအီးကဲကဲဒီးမာ် ဟည်မီးရိုင်းအောင်းဒါးဒိုလာ် “ချေးဒီးအခည်း၊ အန်းဟည်ကိုင်ပေါ၊ ယာ်မး။” ဓါည်းဒီး ကဲစီဘိဗိုန်ဟ်း ငါည်းစံင်ယေဆု စီဘတ် ဟပ်အဲမ်းဘတ်၊ အာင်ဓါ် န်းဒဇဲန်း ကဲစီဆဲနဂါ်းဘိုးအန်းဟာ်။




ဘိုဝ်ယဲဝ်းအီးပန်းအီးဂေါ်ည်းခရာ်ည်၊ခလဲပ်ဒီးတတ် ပေတရု၊ အန်းစီမော့၊ ဒါး “မည်းအာင်မိုးဟိုဝ် တပဲယေဆု။” ဘည်ဘာည်းမာ် ပေတရုစီမီးထဲင်းဒါ်းလာ် အန်းအာင်မိုးမ တပဲယေဆု။” ဓါည်းဒီး စီမဲးဘိုးအီးပန်းအူချေး၊ ချေးဒီးမာ် ဟည် မော့ဒါ်းလာ် တံ့ပေတရုဘိုးဘာည်းဇဲန်း။ ပေတရုမာ် ဟည်မီးထဲင်းဒါ်းဘိုးဟာ်။ ဓါည်းဒီး တူအီးကဲစီဒါ်းဒိုလာ် တံ့ပေတရု “မည်းမိုးပေါ၊ ချေးအန်းအီးတော၊ လဘာ်န်းယေဆုဟာ်။ ဆိမ်ဘာည်းဆိမ်ဒါ်းလာ်ဘာည်းဇဲန်း ဂေါ၊မိုးပါည်း ပါ်အယ်ချေးဒီး၊ မိုးတူအီးကိုင်းဂါလိလဲ။”




ဘိုန်ဇဲန်း ပေတရုစီတိုင်းကျော့ဒါ၊ ဆာ်အံဝ်းစီနာ်,လာ် ချော့ပံင်ဒါ;ပဲဒီး ဒဲးအံဝ်းကတူ;ခံမ်ပေါ,စံင်ဖြား တိုင်းတောင်းအံဝ်းနား။ စံန်အန်းဒါ;ဘာည်းဇဲန်းမာ် အီးမိုးအျိုဝ်းကျိုင်း ဟည်ကဒိုးပေါ,အူတ်နား။ အီးမိုးစံင်ယေဆုမာ် ဟည်ကပ္ပ စီးတိုင်းဇူးပေါ, ပေတရုအူတ်နားဟာ်။




ပေတရုမာ် ဟည်လည်လေးဟောင်းယာမ်းပေါ, ပါ် ခရာ်ညာ်,။ ခည်ယာမ်းဇဲန်း ယုဒဆကာရိုတ် အီးမိုးချော့အီးအာပ်စံင်ယေဆု ဒဲးတံင်တည်းတူအီးကဲမာ် ဟည် ယဲဝ်းဘည်ဘာည်းတာ် အီးဂီကယာင်ယေဆု၊ အန်းစီလှေ,နော့အန်း စီလည်လေး ဒဲဝ်းပေါ, ဒကာဆိုင်ဒီးဖာ်; စီမီးပတတ်ယာ်မီးခိုန်လာ်တိုးအန်း။




ဓါည်းဒီးအူဆငည်း၊ ခည်ဇူညျေးဇဲင်းဇဲင်း တူအီးဒါင်းယုဒကဲစီယိုင်းဟောင်း  
 စံဝ်ယေဆု ပါပိလတ် အီးမိုးတာကညျားဒါင်းယောမ ဂေါ,မိုးကဲဆိုင်ကယာင်  
 ပယာမ်းဗိုန် ယေဆု။ ဘိုန်ဇဲန်း တားကညျားဒါင်းပိလတ် စီမော,ယေဆု ဒါး  
 “မည်းမိုးလာ် တားကညျားဒါင်းယုဒကဲ။”



ဘိုန်ဇဲန်း ယေဆုစီဗီးဒါး မိုးမှာန်ပေါ,အခည်း တော,တက်ဘည်ဘာည်းမော,  
 မည်းတားကညျားဒါင်းနား။ ဘည်ဘာည်းမာ် အီးမိုးကိုင်းအံင်း စီအာင်တံင်နေးမ  
 တံ့လောကနီး။ ဆာ်ကိုင်းအံင်း စီတံင်နေးဘာည်းလောကနီးအခည်း၊ နှာင်းအံင်း  
 ကံပ်ဘူကတူးစာ်မး တိုင်တည်းယုဒကဲ တူအီးအံင်းကဲ နံင်တိုက်ဗိုန်ဒိုက်ယံင်း။  
 အံင်းလေးဒေး တောင်းကတာည်းကံမ်ဖာနီး မိုးစာန်ကလောင်းခါင် လော်င်စံင်ဖြား။  
 ဂါဆိုင်မိုး စားကဲအီးကမဲးတြားအီးမိုးအီးမှာန်မာ် မိုးဒိုက်တညာင်းလာည်း  
 ကျော့အံင်း။ ဘိုန်ဇဲန်း တားကညျားဒါင်းပိလတ် စီဗီးမော,ဒါးလာ်  
 တံ့စံဝ်ယေဆု “တြားအီးမိုးအီးမှာန်ဒီး ဘည်မဲအန်းဘာည်း။”



ဓါည်းကအုပ်ကမိုန်ဟော်ည်၊ တားကညားဒါင်းပိလတ်တံ တော၊  
 စံဝ်ယေဆု အန်းစီဟောင်းဇူးလ် ပျိုတူအီးကဲကဲဒီး၊ စီဒါ်း “အီးမိုးတံ့ချွေးနီး  
 အံဝ်းအာဝ်ယေဝ်းမအပျဲတ်အန်း။” ဘည်ဘာည်းမံ တူအီးဒါင်းယုဒကဲကာည်း  
 တူအီးဂိုန်ကဲ စီဂီအောင်းပါဝ်ဒါ်းဒို “တော်ကဲကတံက်ပယာ်မးစိုန် ချွေးဒီး၊  
 တံင်တေင်းရံင်းတံ၊တည်း။” ဘည်ဘာည်းမံ တားကညားဒါင်းပိလတ် စီမီးဒါ်း  
 ဘိုး “အီးမိုးတံ့ချွေးနီး အံဝ်းအာဝ်ယေဝ်းမအပျဲတ်မျိုးမဲ့ တံ့အန်း။” ဘိုန်ဇေန်  
 တူအီးဂိုန်ကဲကဲဒီး ချဲန်းဟည်အောင်းဒါင်းမှယ်ဒေးဘိုးဟံ့။ ဂေါ၊မိုးဘာည်းဇေန်  
 တားကညားဒါင်းပိလတ် စီဒါ်းထင်ဘိုး၊ အီးမိုးတံ့ချွေးနီး အံဝ်းအာဝ်ယေဝ်းမ  
 အပျဲတ်မျိုးမဲ့ တံ့အန်း ဒါ်းကံပ်မိုးပေါ၊လ် အိုည်းဘော်ကံ။




ဘည်ဘာည်းမံ တားကညားဒါင်းပိလတ် စီအာပ်ဒဲးယေဆု တိုင်တည်း  
 တူအီးဂိုန်ကဲကဲဒီး၊ ဂေါ၊မိုးအန်းယံဝ်းကဲ ချွက်ချွက်။ ကော်န်းနာန်းကဲမံ ဒါ်းလ်  
 ခေါန်အိုင်ဂျော၊ ငါ်းဟပ်စံဝ်ယေဆု၊ ဟည်ချွေပ်ဒဲးဘိုး အန်းဟေပ်တဆီး  
 တားကညားဒါင်း၊ ဒဇေန်အာဝ်ဓါ်း စီဒဲးဘိုး အန်းချိုပါန်ကူမ်း ပံင်ဒါ်းတံပ်အေဲ၊  
 ရဲန်းအူန်းဟံ့။ ဓါည်းဒီး ကဲစီဆဲနဒိုလ် တံ့စံဝ်ယေဆု၊ စီဒါ်း “တိုဝ်းဟံင်း  
 တားကညားဒါင်းယုဒကဲ။”





၄၀။ စံဝ်ယေဆု ကညား  
တော်ကံကတံကံပယာ်မ်းစိုန်  
တံင်တေင်းရိုင်းတံ,တည်း



မတဲ ၂၇:၂၇-၆၁၊ မာကု ၁၅:၁၆-၄၇၊ လုကာ ၂၃:၂၆-၅၆၊  
ယောဟန် ၁၉:၁၇-၄၂




ဓါည်းဒီး ကဲစီယိုင်းဟောင်း စံဝဲယေဆု စာနံင်ပယာ်မးအန်း တံင်တေင်းရံင်း တာ်,တည်း။ ကဲစီဆူည်,အန်းစံင် ကော,ဒိုည်းဟောင်း ရံင်းတာ်,တည်း လေ့အီးနံင် ဒါးတော်ကဲကတံက် ပယာ်မးဗိုန်အန်း။



ဓါည်းဟောင်းစမ်းကဲတာ် ပါဒီဒါးအီးတာ် ဂေါလဂေါတဒီး၊ ကဲစီတေဲဒါးလွဲက်း မနား တော်ကဲကတံက် တည်းကာည်းဇ်န်းအန်းစံင် တံင်ရံင်းတာ်,တည်းဒီး။ ဓါည်း ဒီး အန်းစံင် စီမှာန်းဆူးဒါး “အိုဝ်ကူန်၊ ပျိုတ်ဒဲးဟံင်း ပံင်ကလူည်,ကဲနား၊ ဂေါ,မိုး ကဲကဲနီး ဆီကဲဂီရဲန်းမာ် ကဲအာ်နာ်,မ။” တားကညျားပိလတ်မာ် စီဒဲးအမိင်း စာနံင်ကိက်ကတံက်အူန်းဘေဲ,ကအာ်မး တံင်တေင်းကေန်းရံင်းတာ်,တည်း အန်းစံင် အန်းအီးဒါး “တားကညျားဒါင်းယုဒကဲ။”



ကော်န်းနာန်းကဲ စီညော့းစေကောက် စာကဲနံင်ဘိုန်း တဆီးချေပ်အန်းစံဝ်။ အီးနီးမိုး ဟည်နိုက်ကိုမ်ပေန်ဒေးပေါ၊ တော,တက်ဘည်ဘာည်းပံင်ဟောအူန်း ပရောဖဲတ်ကဲ အီးဒါ်း "ကဲနံင်ညော့းစေကောက် စီနံင်ကယားလာည်း တဆီးချေပ် အံဝ်း။"



စံဝ်ယေဆုစီကညား အီးတော်က်ကတံက်ပယာ်မ်းဗိုန် ဂေါ်ည်းကဒည် တူအီးစိုန် အယ်ချေး။ အူချေး စီလီလာဆဲနဒါ်း တံ့အန်းစံဝ်။ အီးမိုးဘိုးအူချေး စီဗီးဒါ်း တံ့ချေးဒီး “မည်းကံပ်ကညား ပယာ်မ်းဘာည်းညော့န်းမာ် မည်းညျမ်နာ်,ဟိုဝ် ယံဝ်း စံဝ်ဖြား။ အီးမိုးအာည်းအခည်း ဂေါ်,မိုးပံင်ကလူည်,အာည်း စီကညားပယာ်မ်းဗိုန် ဘာည်းညော့န်း ဟည်ကိုင်တာန်အိုဝ်။ အီးမိုးအန်းခည်း ကံပ်ဘူမဲး ကံပ်ဘူရဲန်းဟံင်း ပံင်ကလူည်,မျိုးမဲ့” ဓါည်းဟော်ည်,ဒါ်းအန်းတံ့ဘာည်းဇဲန်း အန်းစီဒါ်းလာ် တံ့အန်းစံဝ် “အိုဝ် စံဝ်ကညား၊ ဆာ်မည်းဟိုက်ဂေါ်ည်း တိုဝ်းမေန်းပေါ် ကိုင်းမည်း နှလူ့ဟံင်းစံမ့်အံဝ်းနား။” အန်းစံဝ်စီဗီးဒါ်းတံ့အန်း “အံဝ်းနံင်ဒါ်းအီးမိုးအီးမှာန်အန်း၊ ဆငည်းအိုင်ဒီးနီးပေါ၊ မည်းနံင်ဟိုက်ဂေါ်ည်းတော,အံဝ်း ပေါ် ကိုင်းပေါ် ပျို နန်းနား။”



တူအီးဂိုန်းကဲကာည်းတူအီးဒါင်းယုဒကဲ စီဆွဲနဒါ်း ဒို့ တံ့အန်းစံင်"ဆာ်မည်း  
 မိုးကော်န်းစံင်ဖြားအည်း၊ ချော်တ်လာည်းဟံင်းတိုးမည်း ကဒည်းမည်း။  
 ဆာ်မည်းရဲန်းဘာည်းဇဲန်း ယေးစီနံင်ညှော်မ်လာ်မည်းနား။”



ခည်ဇုင်ဒီး ဆိုင်ဂီမိုးလို့ည် အချိုင်ကဒည်ဆည်း။ ဘည်ဘာည်းမာ် အာ်,စံင်း  
 စီဟည်ဒေးညှိုက်ဒါ်,ဟောင်းဒို့ ပါ်ကိုင်းကတာည်းကံမ်ဖာဟာ်။ တယ်စပေါ,  
 ခည်ကဒည်ဆည်း တော်ကံပ်စာ်မး ဘာ်န်းဟိုမ်းအိုည်းနရီ ဂီအာ်,လာ်  
 ဘာည်းဇဲန်း။



ဓါည်းဒီး အန်းစံင် စီဒါ်; “ဇိုင်းအံဝ်းဟည်ဟော်ည်။ အီးမိုးဓိညေန်အံဝ်းနီး  
 စီအာပ်ဒဲးအူန်း တံင်တည်း မည်းကူန်နား။” ဓါည်းဒီး အန်းစံင်မာ် မူးလေးကဲန်း  
 အန်း၊ ဘိုန်ဇဲန်း အဆာက်အန်းစံင်မာ် ဟည်ဒိုဟောင်း။ စံန်အဆာက်အန်းဒိုဟောင်း  
 စီပေန်ပေါ၊ အိုင်ဆာန်လယူးဒါင်း၊ အီးမိုးတံက်ယံင် ပံင်အီးကောင်းအူန်းလတ် ခနား  
 တူအီးကာည်းစံင်ဖြား အန်းအီးဂေါ်ည်း ပါ်စော်င်းစံင်ဖြားမာ် ဟည်ကဘျဲးပေန်  
 ဟောင်းပေါ၊ အယ်ဖာက် တယ်စပေါ၊ကတေင်း တော်ကံပ်စာ်မးကချေမ်းအန်း။



အန်းစံင် ခံမ်ယာ်မးဒီး၊ မိုးအန်းစံင် ဓိုဝ်းနဲဒဲးအိုန်ဒါ်နီး စာတူအီးကဲ နံင်ဒဲးဇူး  
 ပါ်စံင်ဖြား။ ကော်န်းနာန်း ချေးအီးဂီပည်တိုဝ်း အန်းစံင်ဒီးမာ်၊ စံန်အန်းယေဝ်း  
 ပံင်ဘာည်းကဲကဲဒီးပါ်ပည်မဲး၊ အန်းမာ် ဟည်နာ်လတ်ဒါ်; “ချေးနီးအခည်း  
 အန်းဟည်မိုးပေါ၊ ကော်န်းစံင်ဖြားခည်းခည်းဟာ်။”



ဓါည်းဒီး အီးမိုးယောတဲတ် ကာည်း နိုကောဒိန် အီးမိုးတူအီးဒါင်းယုဒမာ်  
ဟည်ဒဲးမှန်းလာည်း တိုးချာပ်ယာ်မးအန်းစံင် တံ့တာကညးပိလတ်။ ကာည်းပေါ်  
အယ်ချေးမာ် မိုးအီးညျေမ်ဒါ်; စံင်ယေဆု မိုးမေဆိယ။ ကာည်းစီဒါးတံက်ပည်းမး  
တိုးချာပ်အန်းစံင် စီဟာင်းတီ,ဗိုန် ပါ် ထမ်ဖေဝ်းမာ်။ ဓါည်းဒီး ကာည်းစီဒါးကြိုန်း  
မာ်ဒါင်း ဂွိုင်ဘိဗိုန်ကတဲင်း ဒီလဲပ်တံင်ဖေဝ်းဒီးဟံ့။

